

# TEZĂUR LITURGIC

8 AUGUST

## SLUJBA SF. CUVIOȘI ZOSIMA, SAVATIE ȘI GHERMAN DE LA SOLOVEȚ ADUCEREA I [1566] ȘI II [1992] MOAȘTELOR



MINEIUL PE AUGUST  
MOSCOVA



## Ме́сяца а́вгуста в 8-й день

**Пе́рвое и второ́е пренесе́ние честных и  
многоче́лбных мо́щей  
преподо́бных и богоно́сных оте́ц на́ших  
Зоси́мы, Савва́тия и Ге́рмана,  
Соловѣцких нача́льников и чудотво́рцев  
в ле́то 7074 (1566) пренесе́ны бы́ша мо́щи  
святы́х Зоси́мы и Савва́тия от преде́л во  
свою́ им це́рковь;**

**в ле́то 7500 (1992) пренесе́ны бы́ша мо́щи  
святы́х Зоси́мы, Савва́тия и Ге́рмана из  
гра́да свята́го Петра́ во оби́тель Соловѣцкую**

### На ма́лой вече́рни

На Го́споди, воззва́х: стихи́ры на 4, глас 1

Подобен: Небе́сных чино́в:<sup>1</sup>

На не́бо вознося́щи,/ криле́ Ева́нгельских  
до́блестей восприи́мше,/ отцы́ святи́и,  
преми́рных дости́госте / и, та́мо водворя́ющесея /  
Зоси́мо, Савва́тие и Ге́рмане, / наслажда́етесь  
неизрече́нных благ.

Небе́сных благ жела́юще, / мирская́ сла́дкая  
отвергосте, / а́лчбою и жа́ждою томя́ще себѣ, /  
ненасы́тимыя сла́дости рачи́телие бы́сте, / ю́же  
ны́не войи́стинну обрето́сте, / отцы́ преподо́бнии  
Зоси́мо, Савва́тие и Ге́рмане.

<sup>1</sup> Разделители в стихирах, положенных на подобны, поставлены в соответствии с необходимым количеством мелодических строк для пения подобнов Оптинским напевом.

Дóльняя, ꙗко преходя́щая, / отвѣргше  
разу́мно, / вы́шняя при́сно пребыва́ющая  
возлюбите, / блаже́ннии отцы́ Зоси́мо, Савва́тие  
и Ге́рмане, / и та́мо водворя́етесь / добродѣтелей  
восхожде́ньми.

Воздержани́ем сла́сти попра́сте / и слѣзными  
источники́ пла́мень погаси́сте страсте́й; / те́мже,  
зе́млю ны́не крѳ́тких насле́довавше, /  
свеселя́етесь преподо́бным и пра́ведным, / отцы́  
святы́и / Зоси́мо, Савва́тие и Ге́рмане.

Сла́ва, глас 2:

Прииди́те, по́стническое сосло́вие, / днесь  
ублажи́м сущи́я вои́стинну блаже́нныя отцы́; /  
по́стником бо удо́брение яви́шася, /  
добродѣтельми украси́вшеся изря́дно. / Те́мже,  
любо́вию соше́дшеся, духо́вне торже́ствуем, / к  
ни́мже возопи́им: / о преподо́бнии отцы́ Зоси́мо,  
Савва́тие и Ге́рмане, / ꙗко иму́ще дерзнове́ние  
ко Христу́ Бо́гу, / мир и оставле́ние испроси́те /  
любо́вию чту́щим всечестну́ю па́мь ва́шу.

И ны́не, пра́здника, глас 8: Мрак зако́нный:

На стихо́вне стихи́ры, глас 2.

Подобен: До́ме Евфра́фов:

Дом добродѣтелей / вы́ показа́стеся / и  
приятелище дарова́нием, / отцы́ преподо́бнии /  
Зоси́мо, Савва́тие и Ге́рмане.

Стих: Честна́ пред Го́сподем/ смерть преподо́бных Его́.

Страсте́й победителие,/ плоти́ томителие,/ язы́ку воздержателие,/ сласте́м умертвителие бы́сте,/ преподо́бнии Зоси́мо, Савва́тие и Ге́рмане.

Стих: Блаже́н муж боя́йся Го́спода,/ в за́поведех Его́ восхо́щет зело́.

Чи́стыми ва́шими моли́твами/ Бо́гови прибли́жившися,/ благода́ть има́те/ нечи́стыя отгоня́ти ду́хи от челове́к,/ преподо́бнии отцы́ Зоси́мо, Савва́тие и Ге́рмане.

Сла́ва, и ны́не, Богоро́дичен, глас и подо́бен то́йже:

Обра́дованная, ра́дуйся,/ Я́же Ра́дость ми́ру ро́ждшая,/ Христа́ Жизнода́вца,/ и прамáтернюю, Де́во,/ печа́ль отъёмшая.

Тропа́рь писан на велицей вечерни. Сла́ва, и ны́не, пра́здника.

### **На велицей вече́рни**

Блаже́н муж, 1-й антифо́н. На Го́споди, воззва́х: стихи́ры на 10: пра́здника 4 и преподо́бным 6, глас 8.

Подо́бен: О, пресла́внаго чудесе́:

Отцы́ преподо́бнии/ Зоси́мо, Савва́тие и Ге́рмане,/ вперивше ум ваш к Бо́гу ве́рою,/

мирскаго смешения возгнушались есте  
непостояннаго / и, крест ваш вземше, Всевидцу  
последовали есте, / тело непокоривое / подвиги  
воздержания / помыслу поработивше, / силою  
Божественнаго Духа.

Отцы Богомудрии / Зосимо, Савватие и  
Германе, / вы, от утробы матери Христу  
приблизившись, / всем смыслом Тому  
прилежались есте / и, добродетельными цветы  
украшаеми, / от ваших подвигов Богу  
Вседержителю / плоды достойныя принесли есте,  
преподобнии; / темже благих наслаждение /  
восприяли есте, досточуднии.

Преподобнии отцы и премудрии / Зосимо,  
Савватие и Германе, / болящим вы явились есте  
исцеление / и хромым хождение, / всем же,  
притекающим с верою / к цельбоносным мощем  
вашим / и просящим помощи и заступления, /  
молитвами вашими / милости неоскудно  
подаваете.

Ины стихиры преподобным, глас 2.

Подобен: Егда от Древа:

Егда уязвились есте / божественным  
желанием, / тогда вся, яже в мире красная, ни  
во чтоже вменивше, / Христу Спасителю  
последовали есте; / богатство же мимотекущее  
доблественне презревше, / славу и могущество, /

яко ничто́же сѹще, отвергли есте́;/ моли́те,  
мо́лим вас,/ спасти́ и просвети́ти ду́ши на́ша.

Егда́ Божѣственное рачѣние найде на вас,  
преподобнии отцы́,/ тогда́ житѣйския молвы́  
отлучившеся,/ в Поморие пусты́нное отыдо́сте,/  
та́же в морской́ остров удалившеся,/ в нем  
мно́га лѣта терпеливнѣ подви́зались есте́,/  
мѹжественно со враги́ невидимы́ми боря́щеся,/  
и́хже и победи́сте си́лою Христо́вою;/ те́мже  
венцы́ славы прия́ли есте́ от Христа́ Бо́га,/  
Емѹже моли́теся о чтѹщих честнѹю па́мь вáшу.

Егда́ о́беты ино́чества Го́сподеви возда́ли  
есте́,/ тогда́ ѹмно́е око́ бодрственнѣ на Не́бо  
вперивше,/ мы́сленныя враги́ слезáми потопи́ли  
есте́;/ и непорочно ходи́ти в путѣх за́кона  
Госпо́дня ду́шу утверди́вше,/ Зо́симо, Савва́тиѣ  
и Ге́рмане,/ дерзнове́ние к Бо́гу стяжа́ли есте́./  
Сего́ ра́ди мо́лим вас:/ То́го моли́те/ спасти́ и  
просвети́ти ду́ши на́ша.

Сла́ва, глас 1:

Днесь пресвѣтлая нам настá па́мь/  
преподобных отѣц на́ших/ Зо́симы, Савва́тиѣ и  
Ге́рмане,/ ю́же соше́дшеся досто́йно почти́м,/  
во псалме́х и пѣснѣх и пѣниих духо́вных  
взыва́юще,/ и тех чудотво́рным мо́щѣм  
предстоя́ще, си́це рцем:/ ра́дуйтеся, сокро́вища  
неисто́щима́я;/ ра́дуйтеся, исто́чницы благода́ти  
приснотеку́щи;/ ра́дуйтеся, превожделѣ́нныя

нам цельбоносныя мѡщи вселюбезныхъ отѣцъ нашихъ;/ радуйтеся, люботрудныя плѡти показующи;/ радуйтеся, благоухающи намъ священныя ароматы./ О, чудотворивыя мѡщи,/ целующе васъ, приѣмлемъ благодать/ и Благодарителя Бѡга прославляемъ,/ прославляющаго рабы Своя богатыми дарованіи,/ вопиюще Ему:/ о всехъ Благій Господи, слава Тебѣ.

И нынѣ, праздника, глас тойже: Иже дрѣвле:

Вход. Прокімен дне. И чтенія 3  
преподобническая.

На литіи стихіра храма и преподобнымъ, глас 1:

Преподобнии отцы Зосімо, Савватіе и Германе,/ сошедшеся любовью в память вашу/ ко всечестнымъ и чудотворнымъ вашимъ мощемъ,/ светло торжествующе и во гласехъ пѣсенныхъ поюще, вопиѣмъ:/ молитесь Господеви, помилуютися душамъ нашимъ.

Светлая ваша память,/ преподобнии отцы наши/ Зосімо, Савватіе и Германе,/ намъ сердца просвѣщаетъ:/ зряще бо честныя ваша мѡщи,/ врачевство страстемъ неудобь целимымъ,/ прославляемъ прославльшаго васъ Господа/ и ваша труды и подвиги венчавша благодатию./ Усердно и мы подвигомъ и трудомъ емшеся,/

ва́шею сте́зєю позна́хом ходи́ти вослед Христу́  
Бо́гу, / Егóже мо́лите спасти́ и просвети́ти ду́ши  
на́ша.

### Глас 2:

Предстоя́ще честны́м мо́щем / преподо́бных  
оте́ц на́ших, о празднолю́бцы, / возопи́м  
похва́льными гла́сы, глаго́люще: / ка́ко вас  
ублажи́м, Зоси́мо, Савва́тие и Ге́рмане, / на  
земли́ пожив́ших па́че челове́к / и в Вы́шних  
блажи́мых со все́ми уго́ждшими Го́сподеви? / С  
ни́миже предстоя́ще во све́те Божество́ннем, /  
мо́лите, мо́лим вас, / изба́виться нам от  
собла́знов греховных / и спасти́ся ду́шам на́шим.

По успе́нии ва́шем, блаже́ннии Зоси́мо,  
Савва́тие и Ге́рмане, / учи́тели нам быва́ют  
мо́щи ва́ша, / при́сно бо излива́ют чудеса,  
наставля́юще: / возлюбите Го́спода, да обря́щете  
благодáть вéчную / и ничто́же па́че Егó  
почти́те, / да егда́ прии́дет, обря́щете поко́й со  
избра́нными Егó. / Егóже да улучи́м ва́шими  
моли́твами, преподо́бнии.

### Глас 4:

Днесь соше́дшеся, бра́тие, / духо́вне почти́м  
преподо́бных оте́ц на́ших / Зоси́му, Савва́тия и  
Ге́рмана, / иже постóм телеса́ своя́ изнури́ша, /  
воздержáнием стра́сти потреби́ша и бде́нием ум  
очи́стиша, / моли́твами же ду́ши просвети́ша, /  
нището́ю бога́тство прия́ша благодáти / и

послуша́нием Бо́га благопослу́шна стяжа́ша,/  
чисто́ю жили́ще Пресвята́го Ду́ха бы́ша; / ихже  
ра́ди, враго́в шата́ния Христо́с низложи́в, /  
да́рует нам мир и ве́лию ми́лость.

Сла́ва, глас 8:

Мона́хов мно́жества / наста́вники вас чтим,  
отцы́ святы́и, / ва́ми бо путь пра́вый вои́стинну  
ходи́ти позна́хом. / Блаже́ни есте́, я́ко Христу́  
рабо́тасте / и вра́жию низложи́сте си́лу, /  
А́нгелом собесе́дницы, преподо́бным  
соприча́стницы и пра́ведным; / с ни́миже  
моли́тесь Го́сподеви, / поми́ловатися душа́м  
на́шим.

И ны́не, пра́здника, глас 5: Зако́на и  
проро́ков:

На стихо́вне стихи́ры, глас 8.

Подобен: О, пресла́внаго чудесе́:

Прииди́те и приими́те, бра́тие, / лию́щияся  
благода́ти / от моще́й преподо́бных оте́ц на́ших /  
Зоси́мы, Савва́тия и Ге́рмана, / ти́и бо  
подвиза́шася без ле́ности во вре́менной жи́зни /  
и я́ко безплотни́и во плоти́ пожи́ша. / Те́мже и  
прия́ша да́ры от Христа́ Бо́га, / и нам про́сят  
очище́ния / и ве́лия ми́лости.

Стих: Честна́ пред Го́сподем / смерть  
преподо́бных Его́.

Цельбоно́сным ва́шим мо́щем предсто́яще,/ отцы́ на́ши Зо́симо, Савва́тие и Ге́рмане,/ прие́млем оби́льно благода́ть,/ всяк бо приходя́й с ве́рою не посрамы́тся,/ прие́млет бо, ихже тре́бует,/ прославля́юще вас Го́споду,/ я́ко благоуго́дных рабо́в бы́вших своему́ Влады́це/ и Того́ за́поведи сохрани́вших./ Те́мже вас чтим и ублажа́ем.

Стих: Блаже́н муж боя́йся Го́спода,/ в за́поведех Его́ восхо́щет зело́.

Исто́чницы присно́теку́щи/ врачевства́ безме́днаго,/ честны́я мо́щи ва́ша, досточу́днии отцы́/ Зо́симо, Савва́тие и Ге́рмане:/ о вели́кия благода́ти,/ о си́лы живоно́сных мертвецёв!/ Ихже моли́твами, Иису́се Царю́,/ спаси́ ду́ши на́ша,/ я́ко Еди́н Милосе́рд.

Сла́ва, глас 4:

Веселится́ явлённо Христо́ва Це́рковь честна́я/ и торжествует свё́тло,/ возсия́ бо днесь пресвё́тлая и всепра́зднственная па́мьть/ пренесе́ния честны́х мо́щей преподо́бных и богоблаже́нных оте́ц на́ших/ Зо́симы, Савва́тия и Ге́рмана,/ крася́щихся их многотру́дными по́двиги, я́ко многоце́нною оде́ждою,/ и вопиёт хва́лящихся и глаго́лющи:/ сицевая́ моя́ рождё́ния, таковы́и мои́ сы́нове,/ ихже Ева́нгелием породих,/ воспита́х же стра́хом Госпо́дним,/ и ны́не преподо́бны ви́жу./

Приидите, по́стническое сослóвие / и  
преподóбных ликостоя́ние, / и ра́дуйтесь со  
мно́ю, / имéю бо в себé принесённое  
неисто́щное сокрови́ще, / пречестны́я и  
всебога́тыя мо́щи преподóбных оте́ц, / иже, ныне  
Престолу́ Божию предстоят и молятся, / да  
ми́лостив бу́дет нам в День су́дный.

И ны́не, пра́здника, глас 1:  
Твоего́ Единоро́днаго Сы́на:

На благословéнии хлéбов тропáрь  
преподóбным, глас 8:

Я́ко свети́льницы яви́стеся всесвётлии / во  
оте́це окиána мо́ря, / преподóбнии отцы́ на́ши  
Зоси́мо, Савва́тие и Ге́рмане: / вы бо, крест  
Христóв на ра́мо взéмше, / усéрдно Тому́  
послéдовасте / и, чистото́ю Бо́гови  
прибли́жившеся, / отону́дуже си́лами чудéс  
обога́тистеся. / Тёмже и мы любéзно притека́ем  
ко святы́м мо́щем ва́шим и уми́льно глаго́лем: /  
о, преподóбнии, моли́те Христа́ Бо́га / спасти́ся  
душáм на́шим.

Ин тропáрь, глас 4:

По́стническое и равноа́нгельное жити́е ва́ше, /  
преподóбнии отцы́ Зоси́мо, Савва́тие и  
Ге́рмане, / вселённей познáны сотвори́ вас: /  
чудодея́нии бо разли́чными, богонóснии,

просвещаете / вѣроу призывающія вы и чтущія  
честную память вашу.

Слава, и ныне, праздника.

### На ўтрени

На Бог Господь: тропарь праздника дважды.  
Слава, преподобным. И ныне, праздника.

По 1-й стихологии седален, глас 1:

Житиѣ на земли благочестно скончавше, /  
чисто селение Святому Духу явитесь / и  
просвещаете иже вѣроу приходящія / к  
честнымъ мощемъ вашимъ, блаженнии. / Темже  
молите Владыку Христа Бога, богомудрии отцы  
Зосимо, Савватие и Германе, / просветити души  
празднующихъ всечестную память вашу.  
Дважды.

Слава, и ныне, праздника.

По 2-й стихологии седален, глас 5:

Постники Господни песнями почтим, / яко  
умертвившия вся прилоги страстей /  
воздержаниемъ твердымъ и крепкимъ терпениемъ / и  
посрамившия сопротивнаго всю гордыню. /  
Ныне молитесь Господеви, / преподобнии отцы  
Зосимо, Савватие и Германе, / помилватися  
душамъ нашимъ. Дважды.

Сла́ва, и ны́не, пра́здника.

Велича́ние:

Ублажа́ем вас, / преподо́бнии отцы́ на́ши  
Зоси́мо, Савва́тие и Ге́рмане, / и чтим святу́ю  
па́мять ва́шу, / наста́вницы мона́хов, / и  
собесе́дницы А́нгелов.

Псалом избранный:

Терпя́ потерпе́х Го́спода, и внят ми, и услы́ша  
моли́тву мою́.

Поста́ви на ка́мени но́зе мой, и испра́ви  
стопы́ моя́.

Се удали́хся бе́гая, и водвори́хся в пусты́ни.

Уподобихся неясы́ти пусты́нней.

Бдех, и бых я́ко пти́ца осóбьящаяся на зде.

Колéна моя́ изнемогóста от поста́, и плоть моя́  
измени́ся елéя ра́ди.

Слезáми моими́ постéлю мою́ омочу́.

Я́ко обыдо́ша мя пси мно́зи, сонм лука́вых  
одержа́ша мя.

Напряго́ша лук свой вещь го́рьку, состреля́ти  
в та́йных непоро́чнаго.

Предзрэ́х Го́спода предо мно́ю вы́ину, я́ко  
одесну́ю мене́ есть, да не подви́жуся.

Вси язы́цы обыдо́ша мя, и и́менем Госпо́дним  
противля́хся им.

Благословѣнъ Господь, Иже не даде нас в ловитву зубом их.

Да исповѣдятся Тебѣ, Господи, вся дела Твоя, и преподобнии Твои да благословятъ Тя.

И увѣдите, яко удивилъ Господь преподобнаго Своего.

И утрудися во век, и живъ будетъ до конца.

Хранитъ Господь души преподобныхъ Своихъ.

Восхваляются преподобнии во славе и возрадуются на ложахъ своихъ.

Честна предъ Господомъ смерть преподобныхъ Его.

Пойте Господеву, преподобнии Его, и исповѣдайте память святыни Его, во всехъ людехъ чудеса Его.

Слава, и ныне: Аллилуиа, трижды.

По полиелѣи седален, глас 8:

Егда, блаженнии, к Божественному желанію ум свой вперисте, / тогда остависте вся долу влекущая мудрования / и в пустыню вселистесь в морской остров, / идеже процветосте, яко кедри, добродетельми прекраснии, / страстей искоренившѣ терние, / и в нем насадисте плоды трудовъ своихъ, / темже и пожаете рукояtie, / неотъемлемо богатство на Небесехъ. / Зосимо, Савватіе и Германе преподобнии, / молитѣ

Христá Бóга/ согрешéний оставлéние подáти/  
чтúщим любóвию святúю пáмьятъ вáшу. Двáжды.  
Слáва, и ны́не, прáздника.

Степéнна, 1-й антифóн 4-го глáса. Прокíмен,  
глас 4: Честнá пред Гóсподем/ смерть  
преподóбных Егó. Стих: Что воздám Гóсподеви о  
всех, я́же воздаде́ ми? Всякое дыхáние:  
Евáнгелие от Матфеá, зачáло 43.

По 50-м псалмé стихíра, глас 6:

Преподóбнии отцы́,/ слух свой смире́нно  
Евáнгелию Христóву приклонíвше,/ звáние от  
Вы́шняго во обíтели Небéсныя прия́сте/ и, Томú  
вёрно послéдующе,/ мíра крáсная во умéты  
вмени́сте/ и еди́ныя добрóты вожделéсте  
Христá;/ Емúже прилéжно молíтеся,/  
низпослáти мíрови мир и Цéрквам  
единомы́слие,/ странé нáшей на врагí  
одоле́ние,/ брáтии обíтели вáшея еди́ноду́шие и  
смиреномúдрие/ и душáм нáшим вéлию  
мíлость.

Канóна два: прáздника, со ирмосóм на 6,  
ирмос по двáжды; и преподóбным отцём, на 8.  
Катавáсия, глас 4: Ли́цы израильтестии:

## Канон преподобным, глас 2.

### Песнь 1

Ирмос: Грядите, людие, / поим песнь Христу Богу, / раздельшему море и наставльшему люди, / яже изведе из работы египетския, / яко прославися.

Припев: Преподобнии отцы наши Зосимо, Савватие и Германе, молитесь Бога о нас.

Просвещением Трисолнечнаго Божества озарившися, премудрии, / светила являетесь осиявающая всюду: / тем и нас, страстями омраченных, / просвещением благодати озарити помолитесь / и сущаго получитьи спасения.

Светом Божественная благодати просвещаемы, / Зосимо, Савватие и Германе преблаженнии, / верно светоносную вашу память торжествующих просветите / и от тьмы греховная молитвами вашими, преподобнии, избавите.

Духу Святому храми, премудрии, бысте, / и к Нему все духовное желание обратите, / и сего ради кратких землю наследовасте. / Темже бурю страстей наших укротите, преподобнии, / да в тишине божественней песнословим ваша подвиги.

Богородичен: Лютыми страстей наветы обуреваемъ есмь, Отроковице, / и прилоги греховными погружаемъ; / к Твоему единому

ти́хому и невла́емому пристáнищу любóвию  
прибегáю, Всепéтая:/ ущéдривши спаси́ мя,  
Приснодéво.

### Песнь 3

Ирмо́с: На ка́мени мя ве́ры утверди́в,/  
разшири́л еси́ уста́ моя́ на враги́ моя́,/  
возвесели́ бо ся дух мой, внегда́ пéти:/ несть  
свят, я́коже Бог наш,/ и несть пра́веден,  
па́че Тебе́, Го́споди.

Высо́тою смире́ния украша́еми,/ Зо́симо,  
Савва́тие и Ге́рмане преподо́бнии,/ все у́бо  
желáние ко Влады́це своему́ простро́сте,  
я́ростная же движе́ния на враги́ воору́жите,/ со  
изря́дными де́лы свои́ми, постóм и моли́твами.

Пло́тей свои́х воста́ния кре́пким поще́нием,  
преподо́бнии, умертви́вше,/ оби́телище бы́сте  
Влады́чне;/ Егóже умо́лите изба́виться скорбе́й  
и мучи́тельства страсте́й/ с ве́рою притека́ющим  
к вам, преблаже́ннии.

Иму́ща споспешеству́ющу божéственную  
си́лу,/ исцелéния безчи́сленная источáют мо́щи  
ва́ша, Зо́симо, Савва́тие и Ге́рмане  
преподо́бнии:/ отгоня́ют от челове́к болéзни  
телéсныя/ и душе́вныя стра́сти врачуют  
пóдвиги ва́шими, всечестни́и.

Богорóдичен: Тружда́ет мя бу́ря грехóвная/ и  
возму́щение безме́стных помышлéний:/

умилосердися, Всенепорочная, и руку ми помощи яко Милостива простри,/ да спасен величаю Тя.

Кондак и икос праздника.

Седален преподобным, глас 4:

Житейское море воздержанием безбедно преплысте/ и ко пристанищу мысленному безстрастия, радуящися, доидосте,/ преподобнии отцы наши Зосимо, Савватие и Германе,/ богомудрии и преблаженнии;/ молити Христа Бога, спастися душам нашим. Дважды.

Слава, и ныне, праздника.

Песнь 4

Ирмос: Пришел еси от Девы не ходатай, ни Ангел,/ но Сам, Господи, воплощся/ и спас еси всего мя человека./ Тем зову Ти: слава силе Твоей, Господи.

Умом и душею предочиствившися, преподобнии,/ прелесть душепагубную всеконечно от себе отвергосте/ и, чувства своя к немутней тишине управивше,/ во оток морской, премудрии, вселистесе, воспевающе:/ слава силе Твоей, Господи.

Законом Писания Священнаго и разуму святых поучающися,/ Зосимо, Савватие и

Гѣрмане преподѣбнии,/ всякія добродѣтели  
образу навыкѣсте, мѣдрей пчелѣ подобящесе,/ и  
приятеліще изрядно Дѣху Святѣму, премѣдріи,  
бысте, воспевающе:/ слава силѣ Твоей, Господи.

Всяческими, преподѣбнии, святащесе  
чудодѣйствы/ и божественною озаряеми  
благодатию,/ всем познастесе сокровище  
исцелений неистоцимо,/ страстей отгоняете  
омрачение/ и вражия низлагаете ополчения,  
воспевающе:/ слава силѣ Твоей, Господи.

Богородичен: Из утробы Твоея, Чистая  
Отроковице, возсияв Божественное Солнце,/  
сущия во тьме многобожия просвети/ и в сени  
смертней сидящая, Владычице, осия,/ Емуже  
воспевающе зовем:/ слава силѣ Твоей, Господи.

## Песнь 5

Ирмос: Просвещение во тьме лежащих,/  
спасение отчаянных, Христѣ Спасе мой,/ к  
Тебѣ утренюю, Царю міра,/ просвети мя  
сиянием Твоим,/ иного бо, разве Тебѣ, бога  
не знаю.

Тесный путь пространному предпочетше,/ во  
отце морстем всяческая утеснения радостію  
претерпевали есте, преподѣбнии,/  
божественными же поучении души своя  
очищающе,/ на доброту Божию

неизглабо́ланную при́сно взира́ли есте, преблаже́ннии.

Незло́биви, и кро́тцы, и ми́лостиви бы́сте, преподо́бнии,/ вся зло́бы и стрéлы вра́жия до конца́ погубльше;/ те́мже, благода́ть от Бо́га свы́ше прие́мше, ми́лостивно нас посеща́йте,/ любóвию святúю па́мь вáшу почита́ющих.

Яко вели́кое со́лнце, вели́чием по́двиг вáших/ возсия́те нам, Зо́симо, Савва́тие и Ге́рмане преподо́бнии,/ земны́я осиява́юще концы́/ и вся просвеща́юще свéтом богоразу́мня./ Те́мже мо́лим вы:/ просвети́те наш ра́зум, отцы́ преблаже́ннии.

Богоро́дичен: От мно́жества воста́ющих на ны в болéзни исче́зэ живóт наш,/ погрязóхом в про́пасти безчи́сленных согрешéний./ Спаси́ ны, Влады́чице, и возведи́ яко ми́лостива, Всенепоро́чная,/ Тебе́ бо има́мы Еди́ну Предста́тельницу непобеди́му, раби́ Твои́.

## Песнь 6

Ирмос: В бе́здне грехóвней валя́ясь,/ неизсле́дную милосе́рдия Твоего́ призыва́ю бе́здну:/ от тли, Бо́же, мя возведи́.

Ева́нгельски, преподо́бнии, Христа́ возлю́бльше, ми́ра отврати́тесь,/ в непроходи́мая же и в пусты́я ото́ки заше́дше,/ Еди́ному Влады́це своему́ прилепи́тесь,/ от

Негѡже и трудѡмъ воздаянїе приѣмше, животу вѣчному явѣ причастїстеся, / за поющїя вы молитеся.

Богомудрыми помыслы преудобрившеся, преподобнии, / и вся, яже на земли лстыящая, яко уметы вменивше, / к нестарѣющему преставистеся блаженству. Ныне с лики во свѣте безплотных сил о Бѡзе присно сличовствуете, преблаженнии.

Странна и преславна, преподобнии, о Бѡзе содевающе чудеса, / всем, иже в мѡри плавающим и зле страждущим, / призываеми скоро предстаѣте, от бед избавляюще; / и нас, бѣдствующих люте и напастьми одержимых, / милостивно представше спасайте, преблаженнии.

Богородичен: Грехѡ тяжкое бремя, еже отяготѣ на мне, Пречїстая, облегчи: / Ты бо еси Предстательница грѣшником преславная, / Избавителя и Спаса рождши земнымъ.

Кондак преподобнымъ, глас 2:

Христовою любовью уязвившеся, преподобнии, / и Того крест на рамо взѣмше, / понесли есте, божественне вооружившеся на невидимыя враги / и, непрестанныя молитвы яко копїе в руках имуще, / крепко победили есте бесѡвская ополченїя; / благодать Господню

приёмше целити недуги душ и телес/  
притекающих ко святым мощем вашим, / чудес  
лучи испускаете всюду. / Тем зовем вам: /  
Радуйтесь, преподобнии отцы наши Зосимо,  
Савватие и Германе, монахом украшение.

### Икос:

Кто доволен изрещи ваша чудодеяния, /  
преподобнии отцы Зосимо, Савватие и  
Германе? / Мы убо, радостию и божественною  
любовию почитающе всехвальную и всечестную  
память вашу, / от непостижного ума нашего  
недостойнии, / малое сие пение приносим: /  
Радуйтесь, исполненнии Христовы красоты, / и  
пресветла от Него и преизобразительна восприимшии  
вечную воздаяния: / телесы убо вас морской  
остров прият, / души же самое Небо, / идеже  
почести трудов своих, прехвальный, / восприясте  
от Христа всех Царя и Бога. / Темже молим вы: /  
посещайте милостивно и молитесь непрестанно о  
всех нас, / преподобнии отцы наши Зосимо,  
Савватие и Германе, монахом украшение.

### Песнь 7

Ирмос: Образу златому, на поле Дейре  
служиму, / трие Твои отроцы небрегота  
безбожнаго веления, / посреде же огня

ввѣржени, ороша́еми, по́яху:/ благословѣ́н еси́, Бо́же оте́ц на́ших.

В моли́твах бо́дренное, и в поще́ниях крѣ́пкое,/ и терпе́ние во искуше́ниях неосла́бное, ума́ чистото́ю, преподо́бнии, пока́жете,/ земли́ бо и земны́х досто́йно отсту́пльше,/ Небе́сное обрето́сте наслажде́ние, воспева́юще:/ благословѣ́н Бог оте́ц на́ших.

Плод духо́вный и же́ртву непоро́чную, жити́е своѣ́, преподо́бнии, Влады́це принесо́сте,/ в воздержáнии бо вся́цем пожи́сте,/ от Него́же и по́чести трудо́м я́ко подвигополо́жницы восприѣ́мше,/ де́йствуете пресла́вная чудеса́, воспева́юще:/ благословѣ́н Бог оте́ц на́ших.

Страстьми́ коле́блющихся и бу́рею грехо́вною, преподо́бнии, погружа́емых,/ я́ко вели́кое к Бо́гу дерзнове́ние иму́ще, руково́дствуйте/ и всегда́, премуд́рии, сохраня́йте почита́ющих вас благоче́стно,/ я́ко да воспева́ем:/ благословѣ́н Бог оте́ц на́ших.

Богоро́дичен: Изба́ви нас от напáстей и скорбе́й, и печáлей разли́чных,/ и иноплеме́нных нашѣ́ствия, и междоусо́бныя бра́ни, Влады́чице Всепѣ́тая,/ я́ко да Тя сла́вим и Сы́ну Твоему́ зыва́ем:/ благословѣ́н Бог оте́ц на́ших.

## Песнь 8

Ирмос: Пещь иногда́ огненная в Вавилоне́ действия разделяше, / Божии́м велением халдеи́ опаляющая, / верны́я же ороша́ющая, пою́щая: / благослови́те, вся дела́ Господня́, Го́спода.

В пребыва́лища при́сно живу́щая всели́стеся, преподо́бнии, / нетле́нных благ наслажда́ющеся и Трисо́лнечныя свѣтлости исполня́ющеся. / Нас, призыва́ющих вы, тёплым предста́тельством ва́шим от всех лю́тых спаса́йте, пою́щих: / благослови́те, вся дела́ Господня́, Го́спода.

Нам, любóвию почита́ющим вас / и честно́е ва́ше соверша́ющим торжество́, / Христо́вы уго́дницы Зо́симо, Савва́тие и Ге́рмане, преподо́бнии отцы́, / согреш́ением испроси́те оставле́ние, и страсте́й премене́ние, / и Божество́ннаго свѣта осия́ние, пою́щим: / благослови́те, вся дела́ Господня́, Го́спода.

Тро́ичен: О, Пребзнача́льное естество́ и Триипоста́сное еди́нство, / Отче и Сы́не и Ду́ше Пресвяты́й, / прими́ о нас моли́твенники Твоя́ преподо́бныя уго́дники / и пода́ждь прегреш́ением разре́шение, и жити́ю исправле́ние, и злых отчужде́ние, / и сподо́би ны в ми́ре воспева́ти Твою́ держа́ву: / благослови́те, вся дела́ Господня́, Го́спода.

Богорóдичен: Я́ко Еди́на ро́ждшая  
безсе́менным рождество́м Христа́ Бо́га,/ Ма́ти  
Безневе́стная Чи́стая,/ Сего́ ми́лостива сотвори́,  
Влады́чице,/ спасти́ рабы́ Твоя́ от наси́лия и  
мучительства вра́жия,/ вопи́ющия Христа́ Сы́ну  
Твоему́:/ благослови́те, вся дела́ Госпо́дня,  
Го́спода.

### Песнь 9

Ирмос: Безнача́льна Родите́ля Сын, Бог и  
Госпо́дь,/ воплоще́ся от Де́вы, нам яви́ся,  
омраче́нная просвети́ти, собра́ти  
расточе́нная./ Тем Всепе́тую Богорóдицу  
велича́ем.

Выспрь к Бо́гу иму́ще мысль, Зоси́мо,  
Савва́тие и Ге́рмане преподо́бнии,/ земна́я  
оста́вьше, Небе́сная восприя́сте, Бо́гу и Спа́су  
вас вельми́ просла́вльшу,/ трудо́в ра́ди ва́ших и  
воздержáния неосла́бнаго./ Сего́ ра́ди почита́ем  
вас, преблаже́ннии.

И́хже благ, преподо́бнии, получи́сте/ и  
Небе́сныя сла́вы, ея́же от Бо́га сподо́бистесь,/ и  
Ему́же вѣ́ну предстоя́ще, моли́тесь и нам  
неотлуче́нным бы́ти, мо́лим вы,/ ра́достью и  
боже́ственнойю любóвию почита́ющим по́двиги  
ва́ша, всечестни́и.

О, боже́ственнии и богому́дрии отцы́ Зоси́мо,  
Савва́тие и Ге́рмане!/ Ми́рови ми́р от Бо́га

низпослѣтисѣ испросите, / Цѣрквам соединѣние,  
святѣй обители вѣшей утверждѣние / и всем  
правослѣвным христіаном предстѣтельство и  
спасѣние, преблаженнии.

Богородичен: Пощади мя, Христѣ Спасе, /  
пощади молитвами Родившия Тя, и всех святых  
Твоих, / егда сядеши судити делом моим, /  
беззакония и грехи моя презри, яко Един  
безгрешен. / Мир же подаждь и спасѣние  
воспевающим Тя, / Милостиве Бже и  
Человеколюбче.

Светилен преподобным:

Мирскаго пристрастия, яко скверны  
уклонившесѣ / и алчбою плоть умертвивше,  
блаженнии, / Небесною славою со Ангелы  
обогатитесѣ, / темже непрестанно о нас молите  
Христа Бога, / преподобнии отцы наши Зосимо,  
Савватие и Германе. Дважды.

Слава, и ныне, праздника.

На хвалитех стихиры преподобным, глас 8

Подобен: О, преславнаго чудесе:

Имѣюще божественную благодать учителя, /  
целоумием вас наставляющу / к желанію  
божественному, / отнюдуже мирскаго мятѣжа  
отреклись есте / и к разуму истинному возвелись  
есте, / болезненными же себе труды

умудряюще,/ покорили есте лучшему худшее,/ Зосимо, Савватие и Германе преподобнии,/ молитесь спастися нам.

Преподобнии отцы/ Зосимо, Савватие и Германе,/ любви ради Христовы,/ вся яже на земли презрели есте/ и, в пустыню вселившись,/ плотския похоти мудрование умертвили есте,/ постническими труды свое житие уяснили есте,/ тем и Христос даром чудес обогати вас./ Поминайте нас, чтущих память вашу, досточуднии.

Добродетели стяжали есте,/ преподобнии Зосимо, Савватие и Германе,/ имиже Божии/ приблизитися разумеюще,/ к Тому востекли есте/ и присно ходатайствуете о нас,/ еже мирно житие преити,/ спастися от соблазна лстиваго/ и святых радости общником быти.

Приидите, вси хотящии исцеления,/ и почерпите вино души веселящее,/ никакоже сумнящися,/ исполнь бо честнейшая чаша/ преблаженных отец наших/ Зосимы, Савватия и Германа,/ изливает всем/ приходящим с верою,/ душам и телесем здравие.

Слава, глас 6:

Преподобнии отцы наши Зосимо, Савватие и Германе,/ во всю землю изыде вещание исправлений ваших,/ темже и на Небесех обретосте мзду трудов своих:/ бесовския полки

погуби́сте / и а́нгельским чи́ном совокупи́стеся, /  
и́хже жити́ю до́бре поревнова́сте. / Дерзнове́ние  
иму́ще к Бо́гу, / ми́ра проси́те душа́м на́шим.

И ны́не, пра́здника, глас 8. Византи́ево: По́ят  
Христос́ Петра́, Иа́кова и Иоа́нна:

Славосло́вие вели́кое. Ектений, и отпу́ст.

### **На Литургии**

Блаже́нна пра́здника, от второ́го канона  
песнь 3-я, на 4 и преподо́бным, песнь 6-я, на 4.  
Прокі́мен пра́здника, глас 4: Я́ко  
возвели́чишася дела́ Твоя́ Го́споди, вся  
прему́дростию сотвори́л еси́. И преподо́бным,  
глас 7: Честна́ пред Го́сподем / смерть  
преподо́бных Его́. Стих: Что возда́м Го́сподеви о  
всех, я́же воздаде́ ми? Апосто́л к Гала́том, зача́ло  
213. Аллилу́иа, пра́здника, глас 8. И  
преподо́бным, глас 6: Блаже́н муж боя́йся  
Го́спода, в за́поведех Его́ восхо́щет зело́. Стих:  
Си́льно на земли́ бу́дет се́мя Его́. Ева́нгелие от  
Луки́, зача́ло 24. Прича́стен пра́здника: Го́споди,  
во све́те лица́ Твоего́ по́йдем, и о Имени́ Твое́м  
возра́дуемса во ве́ки. И преподо́бным: В па́мять  
ве́чную бу́дет пра́ведник, от слуха́ зла не  
убои́тся.

**Текст службы утвержден решением Священного Синода от 28 декабря 2018 года (журнал № 126).**

